

皇
清
經
解

金

清

經

解

皇清經解卷六百三十

詩經小學

國風

關關雎鳩

爾雅說文皆作鵽

在河之洲

說文曰水申可居曰州詩曰在河之洲按爾雅毛傳皆云

水中可居者曰州許氏正用之

君子好逑

鄭箋怨耦曰仇釋文逑本亦作仇按免置公侯好仇說文

逑字注怨匹曰逑左傳怨偶曰仇知逑仇古通用也

輶轉反側

按古惟用展轉詩釋文曰輶本亦作展呂忱從車展知輶字起於字林說文展轉也

服之無數

禮記緇衣王逸招魂注皆引詩服之無射按數爲本字射

爲同部假借

薄澣我衣

說文作澣今通作澣按幹爲幹之俗當作澣不當作澣

害澣害否

傳曷何也按古害讀如曷同在第十五部於六書爲假借

也葛覃借害爲曷長發則莫我敢曷傳曷害也是又借曷爲

害

我馬瘠矣我僕痡矣

爾雅痛瘠病也釋文痛詩作鋪瘠詩作屠

按今詩不作屠

鋪惟爾無正淪胥以鋪毛傳鋪病也爲假借

云何盱矣

爾雅注詩曰云何盱矣邢疏云何盱矣者卷耳及都人士文

也按今作吁誤也何人斯云何其盱都人士云何盱矣經

文無吁字

螽斯羽

爾雅蜚螽螽蟴釋文蜚本又作蜚詩作斯

按蜚蜚同在第

十六部猶斯析同在第十六部也螽蜚亦稱蜚螽非如鸞斯

之斯不可加鳥

說說兮

釋文曰說文作𦍋玉篇𦍋多也或作𦍋𦍋𦍋𦍋𦍋五經文字
𦍋色臻反見詩 按今說文無𦍋字東都賦俎豆𦍋𦍋魏都
賦𦍋𦍋蒸徒善注皆引毛萇詩傳曰𦍋𦍋眾多也今詩螽斯
作說說傳說說眾多也皇皇者華作𦍋𦍋傳𦍋𦍋眾多之貌
桑柔作𦍋𦍋傳𦍋𦍋眾多也蓋其字皆可作𦍋𦍋說文引詩
小雅𦍋𦍋征夫

蔓蔓兮

爾雅蔓蔓增增眾也釋文顧舍人本蔓蔓作雄雄 按雄从
隹𠄎聲古韻雄與蔓皆在第六部

繩繩兮

螽斯抑傳皆云繩繩戒愼下武傳云繩戒也爾雅兢兢繩繩成也

揖揖兮

蓋輯字之假借說文輯車和輯也

有蕢其實

按蕢實之大也方言墳地大也說文頒大頭也茗之華傳墳大也靈臺傳賁大鼓也韓奕傳汾大也合數字音義攷之可見

公侯干城

左氏傳公侯之所以扞城其民也故詩曰赳赳武夫公侯干

皇清分角 卷之三
城蓋讀若干揲之干毛傳干扞也

施于中逵

按廋逵本同字毛詩作逵韓詩作廋與公侯好仇爲韻王粲從軍詩與愁由流舟收憂疇休留字爲韻古音讀如求在第
三部也至宋鮑昭乃與衰威飛依積字爲韻入於第十五部
廣韻又分別廋在尤韻兼入脂韻逵專在脂韻顧炎武詩本
音乃以脂韻之逵爲本音而讀仇如其以協之引史記趙王
友歌證仇本有其音不知趙王友歌乃漢人之尤二韻合用
逵與廋一字古皆讀如求也

禮堂按趙王友歌漢書高五
王傳作仇史記呂后紀作讎

江之永矣

說文永字注引詩江之永矣兼字注水長也引詩江之兼矣

按永古音養或假借養字爲之如夏小正時有養日時有養夜卽永日永夜也

言秣其駒

說文秣食馬穀也無秣字廣韻秣同秣

遵彼汝墳

爾雅汝爲瀆注詩曰遵彼汝瀆大水溢出別爲小水之名釋文瀆字林作洧眾爾雅本亦作洧按說文洧小流也爾雅曰汝爲洧瀆水厓也詩曰敦彼淮瀆此詩從毛大防之訓作墳爲正

惄如調飢

說文飢餓也饑穀不孰也唐石經飢渴皆作飢饑饉皆作饑

按傳調朝也言詩假借調字爲朝字也調周聲朝舟聲

王室如燬

按說文火燬也燬火也方言楚語燥齊言燬古火讀如毀在第十五部焜燬皆卽火字之異

百兩御之

按御爲訝之假借字訝或作迓相迎也古訝與御皆在第五

部

維鳩方之

按毛方有之也四字一句猶言甫有之也下章當云成之能成百兩之禮也木或無之字於方字作迓而訓爲有朱子從之誤也戴先生曰方房也古字通

于沼于沚

傳于於 按恐與于以之于相亂故言于者於之假借也鄭

箋于以猶言往以也

南澗之濱

說文作𣶒無濱字隸作瀕省作頻

于彼行潦

傳行潦流潦也 按行當作泔泔溝水行也

維筐及筥

傳方曰筐圓曰筥 按說文方曰匡圓曰簾匡俗作筐簾方

言作簾

于以湘之

傳湘亨也 按以湘爲亨同部假借古享獻烹孰元亨同作

亨在第十部又郊祀志云鷩亨上帝鬼神者謂烹而獻之也
亨讀如饗史記作亨鷩文倒當從漢書師古注引韓詩于以
鷩之鷩卽說文之鷩字煮也毛詩湘字當爲鷩之假借

有齊季女

玉篇引有齋季女攷說文齋材也

勿剪勿伐

按俗以前爲葑後字以矢羽之翦爲前斷字

召伯所茇

說文庋舍也引詩召伯所庋茇艸根也毛詩作茇字之假借
漢書禮樂志拔蘭堂又借作拔字箋云茇草舍也未免牽合

其說鏞堂按周禮大司馬中夏教芟舍注芟讀如萊沛之沛
芟舍此芟爲正字又按毛傳本作芟舍也故箋申之云止舍
釋舍之下是毛鄭皆以芟爲芟之假借今毛傳及陸氏引說
甘棠之下是毛鄭皆以芟爲芟之假借今毛傳及陸氏引說
文皆衍作草舍也攷正義曰芟者草也草中止舍故云芟舍
是孔氏雖不知芟爲芟之假借而孔本毛傳原無草字亦可
見矣

素絲五紵

傳紵數也總數也釋文數皆入聲音促東門之枌越以醴邁
傳曰總數邁行也烈祖醴假無言傳曰醴總假大也總大無
言無爭也毛意醴者總之假借總者數也如數罍之數九罍
傳曰九緘纓罍小魚之網也烈祖醴假中庸作奏假奏亦讀
如蒞古者素絲以英裘五總謂素絲英飾數數然其數有五
也緘卽縫五緘言素絲爲飾之縫有五也紵讀爲佗佗加也

其英飾五故曰五佗

委蛇委蛇

顧炎武唐韻正曰漢衛尉衡方碑禕隋在公酸棗令劉熊碑
卷舒委隨成陽令唐扶頌在朝委隨 按君子偕老委委佗
佗說文委隨也古宅聲隋聲字同在第十七部

殷其雷

李善景福殿賦注引毛萇傳曰礮雷聲也

莫敢或遑

說文無遑字古經典多假皇爾雅惶暇也

標有梅

廣韻引字統云合作芟落也趙岐注孟子曰芟零落也詩曰

芟有梅漢書野有餓芟而不知發鄭氏曰芟音蓐有梅之蓐
按說文有受無芟受物落上下留付也標擊也同部假借
作芟俗又按終南傳梅栟也墓門傳梅栟也與爾雅說文合
說文梅栟也某酸果也凡梅杏當作某毛於此無傳蓋當毛
時字作某後乃借梅爲某二木相溷也韓詩作棣說文棣亦
梅字

迨其謂之

毛意謂會也

不我以

爾雅不蒺不來也說文蒺下引詩不蒺不來 按蓋卽此句
異文故爾雅釋之曰不蒺我者不招來我也而說文仍之廣

韻云猴不來誤

白茅包之

按釋文苞通茹反裹也是陸本不誤注疏本釋文改爲包通
茅反本上聲而讀平聲矣其誤始於唐石經苞苴字皆从艸
曲禮注云苞苴裹魚肉或以葦或以茅木瓜箋云以果實相
遺者必苞苴之引書厥苞橘柚今書作包譌郭忠恕云以草
名之苞爲厥包其順非有如此者失之不審

維絲伊緡

說文緡从糸昏聲昏从日从氏省氏者下也一曰民聲 按
昏以氏省爲正體曰民聲者非也

我心匪鑒

匪本匡匪字詩多借匪爲非

威儀棣棣

說文鐵下引詩威儀秩秩卽此句異文猶平秩東作之作平
艷也

不可選也

傳物有其容不可數也車攻序因田獵而選車徒傳選徒蹕
蹕蹕蹕聲也維數車徒者爲有聲也 按選皆算字之假借

漢書引詩威儀棣棣不可算也說文算數也鄭注論語何足
算也云算數也算選同部音近又夏官司馬羣吏撰車徒注
撰讀曰算算車徒謂數擇之也撰亦算之假借詩箋不云選
讀曰算者義具毛傳矣